

並州府志卷之三十五

非物五

仕蹟

任非一仕蹟非一蹟而其旨總在於愛民勸農桑以
遂其生興學校以復其性飭簠簋不使股民之膏愼
刑獄不使戕民之命醺渠濬河而民無旱澇之憂蠲
租賑米而民免饑寒之苦嗚呼民爲邦本苟無民何
有吏身居民上於民生之休戚漠然無所動於中顧
以營競爲才能狙詐爲撫恤鈎距爲明察尚得謂父
母斯民者歟正定爲



畿輔重郡搢紳先生亢言厲志好尚儒術凡垂紳朝右
類皆節儉正直力思建豎其才足以理陰陽而資啓
沃者余旣纂入名臣傳中矣惟是士人學古入官百
職庶司各有可見之蹟而與民最親莫如郡縣漢書
傳循吏每津津於文翁黃霸之倫而茲編所載亦惟
守令爲尤多所以恤民隱尚治術進斯民於隆古垂
偉績於將來也顧余聞之子產治鄭民不能欺子賤
治單父民不忍欺西門豹治鄴民不敢欺三子之才
誰最優哉司牧者可以悠然思憬然悟矣

南北朝魏齊

杜纂字榮孫常山九門人少以清苦自立時縣令齊羅喪亡無親屬收瘞纂以私財殯葬由是郡縣標其門閭後居父喪盡禮魏世宗時舉孝廉補豫州司士稍除積弩將軍領衆詣淮迎降民楊箱等修立楚鎮招納山蠻李天保等五百戶從征新野除騎都尉以功賜爵井陘男賞帛五百疋盡散知友時人稱之又詔赭陽武陰二郡課種公田隨供軍費正始中遷漢陽太守以清白名肅宗初拜征虜將軍清河內史性儉約尤愛貧老問民疾苦對之泣涕勸督農桑親自檢視勤者賞以物帛惰者加以罪遣弔死問生甚有

恩紀屢遷平陽太守正光末房通等三百人頌纂德
政乞重臨郡詔許之

張纂字伯業中山毋極人祖珍慕容寶度支尚書太
祖平中山入國世祖時拜中書侍郎真君二年拜鎮
西將軍纂雅有氣尚太和中帶魏昌令吏民安之卒
謚曰穆

魏禮鉅鹿下曲陽人抗直有才辨魏末爲齊州長史
北齊天保中授青州長史固辭不就楊愔以聞顯祖
大怒切責之仍云死與長史孰優任卿一處愔云能
殺臣者陛下不受長史者是愚臣伏聽明詔顯祖謂

倍曰何慮無人苦用此漢何爲放還永不收採後楊
惲薦除霍州刺史在職有政理邊民悅之卒於膠州
刺史

魏蘭根愷族叔也父伯成中山太守蘭根儀貌奇偉博
學高才機警有識悟起家北海王國侍郎母憂居喪
有孝稱將葬常山郡境先有董卓祠祠有栢樹蘭根
以卓凶逆不應遺祠至今乃啟刺史請伐爲櫛左右
人言有靈蘭根了無疑懼父喪廬於墓側負土成墳
哀毀殆於滅性孝昌初爲岐州刺史從行臺蕭寶夤
討破宛川俘其人爲奴婢以美女十人賞蘭根根辭

曰此縣界於強虜故成背叛今當恤其饑寒奈何並
充僕隸於是盡以歸其父兄部內麥多五穗隣州田
鼠爲災犬牙不入其境泰昌初加侍中開府儀同三
司鉅鹿縣侯尋封永興侯高乾之死蘭根懼以病免
天平初病篤以開府儀同歸本鄉武定三年薨贈司
徒公諡曰文宣長子相如襲爵相如性亢直有文藻
與族兄愷齊名早卒

按蘭根功叅霸業北史偉之舊
志以多計數列鑒戒未免已甚

唐

崔 珣字子玉恒州鼓城人父讓無子禱北嶽而生珣
生之日有奇瑞比長穎悟過人隋開皇間舉孝廉唐

貞觀中任潞州長子令時有猛虎害人瑞攝至庭而殺之人以爲神未幾遷滏陽令值太宗寢疾夢公而愈乃物色天下適得之瑞遂擢爲蒲州刺史後卒於官山西河南隨處舉祠祭之唐宋間歷有封號至元符二年加封昭惠王

倪若水字子泉恒州藁城人擢進士第累遷右臺監察御史黜陟劔南道繩舉嚴允課第一開元初爲尚書右丞出爲汴州刺史政清淨增修孔子廟興州縣學廬勸生徒身爲教誨風化興行元宗遣中人捕鵠鵲於南方若水上言農方田婦方蠶以此時捕奇禽怪

羽爲園籩之玩自江嶺而南達京師水舟陸齎所飼
魚蟲稻粱道路之言不以賤人貴鳥議陛下邪帝手
詔褒答謫使人過取罪時天下久平人皆重內任雖
自冗官擢方面皆自謂下遷班景倩自揚州採訪使
入爲大理少卿過州若水餞於郊顧左右曰班公是
行若登仙吾恨不得爲騶僕未幾入拜右丞

李異字令叔趙州贊皇人以明經補華州叅軍累遷
湖南觀察使貞元五年徙江西異銳於爲治持下以
法察無遺私吏不敢少給順宗立擢兵部侍郎杜佑
奏爲鹽鐵轉運副使俄代佑使任自劉晏後職廢不

振獄入股耗巽蒞職一年較所入如晏最多之年明年過之又明年增百八十萬緡遷吏部尚書天資長於吏事至治家亦勾檢案牘簿書如公府吏有過秋毫無所縱股慄脅息常如與巽對及疾革郎官省候與言不及病但與商校程課功利是夕卒但爲人忌刻乘私憎殺人世稱其少恩云

李璋字重禮贊皇人絳子也大歷初擢進士第辟盧鈞太原幕府遷監察御史奏太廟祫享復用宰相攝事進起居郎舊制設次郊邱太僕盤車載樂召羣臣臨觀璋奏罷之咸通中累官尚書右丞遷湖南宣歙

觀察使

五代

史 圭鎮州獲鹿人明敏好學爲寧晉樂壽令有善政
邑人立碑頌之唐明宗時爲尚書郎安重誨爲樞密
使薦圭直學士故事直學士職雖清而承領文移參
掌庶務與判官無異重誨素不知書倚圭以備顧問
始白許圭陞殿侍立樞密直學士陞殿自圭始改尚
書右丞判吏部銓事重誨敗死圭出爲貝州刺史罷
歸常山閉門絕人事出閭里乘輜輶車晉高祖立召
遷吏部侍郎分知銓事有能名以疾罷

張允鎮州人初爲張文禮叅軍唐莊宗討張文禮允脫身降除魏州功曹累遷左散騎常侍晉高祖卽位屢赦天下允爲駁赦論以獻言赦者小利而大害久而不勝其禍無赦者小害而大利久而不勝其福夫天之爲道福善而禍淫若捨惡人而變災爲祥則是天又喜人爲惡也凡天之降災所以警戒人主節嗜欲務勤儉恤鰥寡正刑罰而已是時晉高祖方好臣下有言覽之大悅允後事漢爲吏部侍郎隱帝誅戮大臣京師皆怨允嘗退朝不敢還家止於相國寺周太祖以兵入京師允匿於佛殿承塵墜而卒

宋

曹偕字光道正定府靈壽人彬之孫少讀書知義以節俠自喜爲許州都監幕客史沆傾儉爲不法上下畏之偕從容置酒對客數沆十罪將擊殺之沆懼謝後遂歛迹累遷東上閣門使知雄州議者欲廢塘泮爲田偕曰何承矩李允則營此累年所以限契丹也廢之不可累進河陽總管卒

韓綜字仲文靈壽人億第二子舉進士通判鄧州天雄軍會河溢金堤民依邱塚者數百家綜令曰能濟一人予千錢民爭操舟筏以救已而邱塚多潰呂夷

簡北京入相薦爲集賢校理因知太常院遷刑部員外郎知制誥爲契丹館伴使使者欲爲書稱北朝而去契丹號綜曰自古未有建國而無號者使慙遂不復言綜卒朝廷擇館伴契丹使者帝曰孰有如韓綜者乎子宗道歷寶文閣待制

賈 琰字季華正定府獲鹿人以父緯蔭授臨淄雍邱主簿歷通判澧州太宗尹京奏爲開封府推官加左贊善大夫卽位超拜左正議大夫樞密直學士未幾擢三司副使琰風神峻整有吏幹佐太宗居幕府凡五年勤於其職昆弟五人琰最幼及諸兄相繼沒琰

拊循孤幼聚族凡百口分給衣食庭無間言士林以此稱之

韓宗彥靈壽人億之孫父綱慶歷中知光化軍宗彥舉進士甲科累遷太常博士以大臣薦召試爲集賢校理歷提點刑獄應天府有失入平民死罪者獄成通判孫世寧辨正之獄吏當坐法而尹劉沆縱弗治宗彥往按舉沆復沮止之宗彥疏沆於朝抵吏罪仁宗春秋高未有嗣宗彥上書曰漢章帝詔諸懷妊者賜胎養穀人三斗復其夫勿算一歲著爲令臣考尋世次帝八子長則和帝而質安以下諸帝皆其系胄請

修胎養之令且曰人君務蕃毓其民則天亦昌衍其子孫矣以尚書兵部員外郎判三司鹽鐵勾院卒

王舉元字懿臣正定人化基幼子以獻文賜進士出身知潮州江水敗堤盜乘間竊發舉元夜召里豪計事盜既獲乃治堤爲河或言大河決將犯京師舉元適入對具論地形證其妄已而果然歷郡牧戶部判官京東轉運使沙門島多流人守吏顧貨橐陰殺之舉元請立監以較賞罰自是全活者衆徙淮南河東夏人爭屈野地舉元從數騎渡河與之議示以赤心夏人感服治平中又徙成都卽井鹽歲入二百五十萬

爲丹稜卓箇所侵積不售下令止之鹽登於舊後知
永興軍慶人夏人屯境上有窺我意舉元使二裨將
以千騎扼其要害長安遣從事來會兵涇原戒勿輕
舉大將竇舜卿銳意請行不聽舉元曰不過三日虜
去矣至期果去神宗以細劄諮攻守策舉元請省官
減戍益備去兵勿營亭障輿論不合遂引疾求解徙
陳州未行而卒子詔另有傳

三

詔字景獻舉元子也以蔭補官通判廣信軍知博

州魏俗尚椎剽姦盜相囊橐詔請開反告并贖罪法
以撈其黨元祐初言朝廷起田河之議未決而開河

之役遽興河朔秋潦水淫民人流徙賴發廩賑贍稍
蘇其生未可以力役傷也從之擢開封推官有富民
貸僧牒身死貲籍又錮其妻子詔請免之出知滑州
屬縣有退灘百餘頃歲調民刈草給河堤民以爲病
募人佃而收之入爲度支郎中使契丹崇寧中由大
理少卿歷遷刑部侍郎詳定勅令嗣轉開封尹時子
璫使京西攝洛陽尹父子兩京相望人以爲榮進刑
部尚書延康殿學士卒年七十九

金

楊伯淵字宗之正定府藁城人父邱文遼中書舍人伯